

**Date – 08/02/2025**

**Time - 7:30 -7:40Hrs**

## **REGIONAL NEWS BULLETIN**

### **HEADLINES (MORNING)**

- Village Council leh Local Council Inthlanna a duty ten vote an thlak mek a. Nimin thleng khan vote hi 3290 a tla tawh.
- Chief Minister Pu Lalduhoman 16 Finance Commission-in Airport tih changtlunna tur sum mamawh ang a pe thei a nih chuan Mizoram sawrkar-in Lengpui Airport enkawl zui a inhuam reng a ti.
- Sawrkar laipui chuan Skill India Programme-a hman turin kum 2022-23 atanga 2025-26 chhungin cheng vaibelchhe sing 8 leh 800 a pawm tawh.
- Tukin dar 8 atang hian Delhi Assembly inthlan vote chhiar a ni dawn.

<><><>

### **VC/LC ISSUE**

Village Council leh Local Council Inthlanna a duty ten vote an thlak mek a. Nimin thleng khan vote hi 3290 a tla tawh.

State Election Commission atanga thudawn danin, Aizawl district ah 1342 thlak tawhin district zinga vote thlak tamna ber a ni. Champhaiah vote 14 thlak tawhin vote tlak tlemna ber district a ni bawk. Tun inthlan atana sawrkar hnathawk chhawr tur hi mi 7572 an ni.

Hetihlai hian, All Mizoram VC Association President in VC term pawh tawi chungchanga Mizoram sawrkar a khinna chu Guwahati High Court Aizawl Bench chuan a hnawl.

AMVCA hian an President Pu K Lalngaizuala hmingin nikum November ni 21-a sorkar VC term thla 6-a a pawh tawina order an khin chungchanga thutlukna chu nimin khan High Court chuan ti chhuak in Mizoram sorkar in hnehna a chang a, Thubuai hi a tirah sorkar order hmasa khinna a nih avangin AMVCA hian hnuk kiring sorkar order hnukung zawk khinna tur an thelut leh a. Hemi chungchang ngaihtuah hun tura ruahman thla hmasa ni 13 khan AMVCA chu dan ang thlap register an nih loh avangin an ukil te thurawn angin hemi ni vek hian an inhnukdaw

leh a. A tuk, tun thla ni 14 khan thubuai hi an President hmingin thehltut leh niin January ni 15 khan High Court chuan sorkar chu insawifiah turin a ti ta a ni.

Heti hian AMVCA ten inthlan chungchanga sorkar an khinna chinfel anih takah chuan State Election Commission-in tun thla ni 12 a Village Council leh Local Council inthlan neih tur a ruahman chu kalpui tlang a ni ang.



## NGOCC

Chief Minister Pu Lalduhoman 16 Finance Commission-ah Airport tih changtlunna tur leh runway thar siamna tur an dil dawn a, an sum mamawh ang a pe thei a nih chuan Mizoram sawrkar-in Lengpui Airport enkawl zui a inhuam reng a ni a ti.

Mizoram NGO Coordination Committee (NGOCC) chuan, nimin khan Chief Minister Pu Lalduhoma hmuin Mizoram in Airport a neih chhun tun hnaia Indian Air Force (IAF) kuta Mizoram sawrkar-in hlan a tum chu ngaihtuah nawn turin an ngen a, Chief Minister chuan, Airport chu enkawl a hautak em em a, ram dang anga Airport changtlung leh tha an duh a nih chuan midang enkawl duh an zawn a ngai a, hei yang hian Sawrkar kal tawh zawng zawngte pawhin, Airport enkawl hautak zia hriain AAI leh IAF kuta hlan tumin an lo dawr tawh a ni a ti.

Chief Minister chuan, Lengpui Airport chu ramchhunga state hrang hrang zingah sorkarin a enkawl awmchhun a ni a. Khawi State mahin Airport an enkawl zo lo a, Airport Authority of India (AAI) meuh pawhin an Airport enkawl hi Private Company-te hnenah an hlan mek tih sawiin, Mizoram ang state rethei-in Airport zo leh zo loa a enkawl chu a hautak hle a, Airport changtlung tak Mizoram-in a neih chu Sawrkar in a duh ber a ni a ti bawk.

Chief Minister chuan, 16 Finance Commission-ah Airport tih changtlunna tur leh runway thar siamna tur an dil tur pawh NGO te chuan theihtawp chhuahin Mizoram sawrkar hmalak tum dan hi lo dawra lo sawipui turin a ngen tih a sawi bawk a ni.

NGOCC chuan, kum 2024 August ni 9 khan Lengpui Airport hi IAF kuta hlan an remti lo tiin thuchhuah a lo siam tawh a, vawiin khan Chief Minister hnenah ziakin "Lengpui Airport IAF kutah hlan lo tura ngenna" lehkha an thehltut a, an sawiho zui nghal a ni.

Mizoram NGOCC-ah hian, Central YMA, Mizoram Upa Pawl, Mizo Hmeichhe Insuihkhawm Pawl, Mizo Zirlai Pawl leh Mizo Students' Union an tel a ni.



## MNF

MNF President Pu Zoramthangan, Chief Minister Pu Lalduhawman Union Finance Minister Pi Nirmala Sitharaman lehkha thawnin Covid-19 laia pawisa dawn kim loh nia a hriat a dil nawn leh a ti.

Nimina Aizawla MNF Party Office Mizo Hnam Runah thusawiin Pu Zoramthanga chuan sorkar laipui chuan kum 2019-2020 Financial Year chhungah Budget Estimate (B.E.)-a Mizoram an pek theih an beisei Vaibelchhe 3885.19 ah vbc 3017.8 chauh an release thei a, 2020-2021 ah B.E. vbc 3967.796 ah vbc 3010.55 chauh an release bawk a. Tichuan heng B.E. hisap a tlin phak lohna cheng vaibelchhe 1824.8 te hi pe leh ngei turin a dil a ni a ti a. Pu Zoramthanga chuan Union Minister Pi Nirmala Sitharaman- chhanna sawi bawkin, ani chuan Mizoram chhiah lak khawm (Share of Taxes) atanga a dawn tur pek kim loh an nei lo a ti a, Covid kum a nih avanga chhiah tling khawm hmuh an beisei ang hmu zo lo mahse Financial Year kuma pek tur, chumi kuma lak khawm kim hman loh avanga a kum leh lama chumi kum hming thoa pek thin ah chuan 2019-2020 ah vbce 125.72 leh 2020-2021 (Actual) ah vbc 338.30 - A vaiin hemi kum hnih atan vbc 464.58 release a ni tawh tiin a chhang a ni a ti.

R.E. aia Actual-a a tamna hi Covid-19 avanga Central Sawrkarin a pek belh leh MNF Sawrkarin a zep ruk tak ang hrimin ZPM thupuangtu chuan a sawi ni a sawi bawkin, hei hi eng atan nge an hman a ti ta chiam a. Hei hi Share of Taxes State-in Central atanga a dawn pangai reng a nih avangin State zawng zawngin Share of Taxes an hman dan pangai thoa hnam vek loh theih loh a ni a. Hlep ruk emaw, zep ruk emaw rual a ni lo va, hetiang tho hi State dang zawng zawngah pawh a kal dan pangai vek a ni, a ti.

Covid-19 avangin khawvel pumpui leh India Sawrkar pawhin a tuar nasa em em a. MP ho Fund pawh vaibelchhe tam tak a pek loh phah hial a, mipui atanga chhiah an hmuh pawh a tlak hniam phah asat em avangin State pawhin an hmuh tura beisei an pha lo nasa em em a, heti chung a kum nga lai liam hnua lo zu thin that leh kha tu State Chief Minister mahin an tih a rinawm loh va, a zahthlak deuh lam a ni, a ti a. Pu Zoramthanga chuan, tun hnuah chuan Pu Lalduhoma Sawrkar hian Budget awmdan leh kalphung hi Chiang deuh zawkin zir hmasa tawh se a duh tih sawiin an thupuangtute pawhin mipui vantlang hmaa thu dik ziktluak puang chhuaka mi puh kual tawh lo turin hrilhfiyah hmasak nise a ti bawk.

<><><>

## MPCC

Mizoram Pradesh Congress Committee chuan Congress Bhavan, Aizawlah Friday Political Session MPCC President Pu Lal Thanzara hovin nimin khan an hmanga, Pu Lalthanzara chuan tun dinhmunah Mizo mipuite nunah duhthlanna aia pawimawh a awm lo a, mipuiten an duhthlanna an chik ngun hle a ngai a ni a ti.

Pu Lal Thanzara chuan Politics chu Pathian rawngbawlina pawimawh tak a ni a ti a, Pathian rawngbawlina a ni tih hre lova miin hma a lak a, politics tuinua a inchiah a, diklo taka ram kaihhruai anih chuan politics ngaihven duh lo inti emaw, ngaihtuah lo inti te pawh politics kal soal chuan a hrut tel ve dawn tho a ti a. Politics chu Pathian rawngbawlina a ni tih hriaa, a dik theih nan hmalak a ngai a, ngaihven ve chin neih a ngai a, politics tuinuah inhnimphum ve kher a ngai lo, a ti.

Tun sorkar ah thudiklo an hre hnem hle ni a sawiin sorkar mek hian an sorkar theih nan thudiklo leh thutak chanve nasa takin an sawi a. Zokhua a kuthnathawktute pawhin an thusawi awihin an thlai thar leh sawhthingte an leisak duh ringin an vote a ti a, Roreltu in dawt a ngaihsan chuan a chhiahhlawhtinte chuan an sawi mai thin a,

he thil hi Mizoramin a tawng mek a, a tawng chhonzawm zel ang tih erawh a hlauhawm takzet a ni a ti.

Mizo Kristian, Kohhran mi nihna angin politics ah pawh hian eng party ah hian nge an awm ang tih an chhut a ngai tih Pu Lal Thanzara chuan a sawi a ni.



### **BJP**

BJP Mizoram Friday Political Session nimina neihah State Vice President Pu JB Rualchhinga chuan thusawiin ram leh hnam rohlu enkawl chhonzawm zel dan ah a ram neitute inenfiah a, ngun taka inngaihtuah a ngai ta hle a ni a ti.

Pu Rualchhinga chuan, Sorkar tawh hmalaknate leh Sorkar mek te enin, vawiina an hmalakna hian nakin huna an tu leh fate tan malsawmna nge a thlen anga harsatna tih ngaihtuah tel a ngai hle a ni a ti. Mizoramin tun hunah sum leh paiah harsatna lian tak a hmachhawn a, a la hmachhawn zel dawn a, Sorkar hian engtinngge hma a lak zel ang tih an thlir mek a, mipui hrek rethei zawng in nge, Mipuite awlsamna siam zawngin tih hi rilru ah a awm a ni. Tun dinhmuna Mizoram hruaitute'n an mamawh ni a lang chu, tawng tlem la, thawk tam rawh tih a ni a ti.

He hunah hian State President Pu Vanlalhmuaka chuan BJP VC/LC candidate-te thurawn angin, BJP VC/LC awmna ah chuan thil danglam bik thlentir a ni dawn a ti a, Mizoram Sorkar mai nilo, Central Sorkar atanga hamthatnate chu a takin thlentir a nih tur thu a sawi a ni.



### **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh [newsonair.gov.in](http://newsonair.gov.in) ah te chanchinthar hi ngaihtlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.



### **SKILL INDIA PROGRAMME**

Sawrkar laipui chuan Skill India Programme-a hman turin kum 2022-23 atanga 2025-26 chhungin cheng vaibelchhe sing 8 leh 800 a pawm tawh. Nimin New Delhi-a chanchinbumite kawmin Union Information and Broadcasting Minister Ashwini Vaishnaw chuan mipuite mamawh pe thei thiamthilte sawrkar chuan a thlurbing tih sawiin zau zawk leh quality tha zawk neih anih theih nan tan lak a ni ang a ti.

Pu Vaishnaw chuan sawrkarin National Commission for Safai Karamcharis chu kum thum atan kum 2028 March ni 31 thleng pawhsei a remti bawk a ni a ti a. South Coast Railways Zone pawh pawm anih tawh thu a sawi a ni.



## VOTE COUNTING

Tukin dar 8 atang hian Delhi Assembly inthlan vote chhiar a ni dawn. Delhi district 11 ah counting centre 19 siam a ni a. Akashvani thudawn dnain vote chhiarna hmunahnte venghimna khauh taka kalpui a ni a. Central Armed Police Forces Company 38 counting centre 19 ah dah a ni.

Puan tawh angin Delhi Assembly inthlan hi tunkar Nilaini khan neih a ni a. Tun tum inthlan hi kil thuma inchuh niin BJP, Aam Aadmi Party leh Congress ten an inchuh a. Candidate 699 an awm a ni.



## PM

Prime Minister Narendra Modi chuan karleh hian France leh United States a tlawh dawn. Tun tum a zin turah hian ram pahnihte nen inlaichinna hrang hrang eibar zawwna, technology leh thildanga thawhhona tihnghehna tur a thlurbing dawn a ni. Prime Minister Narendra Modia hian France President Emanuel Macron-a sawmna angin Febraury ni 10 leh 12 inkar hian France a tlawh dawn a. Foreign Secretary Vikram Misri chuan hruaitu pahnihte hian India-France CEO Forum ah hun an hmand dawn tih a sawi a. France a tlawh zawh hian February ni 12 ah US a pan leh ang a ti.

